

国史唯疑

國史唯疑卷之五

正德

正德之世不可以帝王經理論昔唐玄宗宋徽猶或始明終昧始勤終怠帝挑蕩性植之矣何怪憚宗奸民之不擱焉生心其獲終寶祚猶宗社福佑諸臣失輔力

焦芳初外謫謀復故署甚力會徐溥欲召還李傑劉健曰焦芳日夜伺此今復傑他日能拒芳耶溥不聽芳果復入劉瑾禍寔自芳始溥亦不為無罪

處劉健謝遷韓文之勢止得一諫：不聽止得一去更無他法

或倡為潛消默挽並出於貧寒驚棧計典為之詞周絳侯狀  
梁公誤人不淺三公卒同躋遐算同於嘉靖初備承恩禮見  
天意亦止得如此

王文恪被命與焦芳同相意宜邑：況適在劉謝二公去國之  
後乎方尤順門傳諭時大洛爭獨侃：宜為瑾所忌怪反登  
庸當繇長沙公亟圖湯濟耳

馬文升欲用許進劉宇劉大夏欲用王儼熊繡各以鄉人意不  
愜李東陽陰石大夏謀傾文升家宰位以大夏代既而為焦  
芳所得芳有內援故東陽等謀不行崔銑有云自論者欲司

馬劉公之為宰而攻馬公也而黨與分謂是劉自此形迹即欲不去得乎徒以勇退譽之未詳情節

焦芳既入閣欲兼管吏部務李東陽為歷舉故事不聽乃曰每奏事當跪跪承旨或小差謬當回話認罪非閣臣所可兼行乃已蓋就其淺明處誘之也隆慶中高拱遂藉閣部橫恣極亦先免奏事承旨如李議

王文恪請於科貢外倣前代制科異等學博宏詞之類專以待非常之士或淹通經史善詩賦工禮札不論有官無官人皆得投試說最善致陸貞山築論同余北闕發策嘗反之抑翰

林原謨有五經秀才即前法

孝廟實錄經焦芳筆如葉盛彭韶何喬新等海內名卿長者咸  
遭詆誣他日刊其謬誤歸之雅馴得董璣力多芳以彭華故  
恨江西人謝遷故恨餘姚人禁二處人不得為京朝官損其  
解額而獨舉北人媚瑾

焦芳以子黃中不得與甲恨李東陽嘗之劉瑾聞之曰黃中昨  
在吾家吾試之楊詩甚拙願恨李耶瑾能試人詩評其工拙  
異事王振亦嘗試錢溥薔薇露詩

楊守隨疏攻逆瑾言向者二三大臣受顧託遺今有潛交默附

漏泄事機者矣。向者南北大際。矢心痛恨。今有畫策主文。依阿時勢者。良明指李東陽。焦芳輩。可謂義形於色。守隨尋以內旨。同張教。革致仕累。罰贖米幾殆。其弟守陟。先於其年引疾去。尤高。

方攻八黨。急使從許襄毅言。僅斥逐之。可乎。曰。不能。即暫逐。勢即召還。不見張讓事。予既罷歸。仍百計求入。卒殺何進。小人寧大處約者。欲以是法用之。銓宰旋被陷去。其終或傳為仰藥。足明前說之非驗。

弘治中有禮部六尚書一員。黃老翰林十學士五箇白丁之謠。

五人內指劉機張萬楊時暢按機仕南兵部尚書著敬苗生  
長揖劉瑾謫鄧綰捷然或北人樸質不甚工詩文安得以聖  
語輕之黃老為崔志端道士

逆瑾以擴充政務為名出詞臣顧清汪俊等十七人于南北部  
屬曰是皆不更事者瑾敗各復原官惟王九思不叙後張璉  
霍韜屢以為言大都拾瑾餘唾

崔銑見劉瑾不拜瑾怒欲加之罪張耒曰北方賴此人倡明古  
學宜容之康海救李夢陽亦直以關中才士為惜噫今即才  
如康李保不為時忌幸矣况關輩知優何物虎欲噬人不避

豪家罪尤浮送間一等也

何栢齋塘不屈節於逆瑾而能積成康海救李夢陽且為附耳  
畫策曰此可獨往不便借人怪栢齋道德名儒乃亦憐及文  
章士通於權來孰謂儒盡迂者

康德涵不惟救李獻吉即張簡肅數革坐罰糧三百石亦賴康  
片言解率以調諍出之有漢人風方林瀚自南吏部尚書降  
浙江叅政禍幾不測屬才為寬緩頗免寬故陝西安守也時  
惟陝人或宜陝人稍可得力

張敦華罷歸乘敝屣至徐州洪觸石敗夜半扣治洪工部羅循



署為諫衣治具鷄且鳴易便舟趣行臨發慨然曰吾受先帝  
厚恩莫能報賴君復生吾有孫當誨以今夕事冀遂吾志誦  
之情景悲甚想猶懼白晝偵聞耳循即羅洪先父張公孫  
山後官御史

許天錫大歷諫垣負仇直殺一夕懷登聞鼓狀自經死意似以  
屍諫旁僅一蒼頭懼罪竊狀逃去事遂難明等死耳死天日  
之下不更快耶當日宜得一名手善揮發人意者永傳之事  
晦不彰殊堪惋惜李空同後為誅比之申生伯奇是矣誅詞  
寡：迄不甚傳于世

史劉瑾肆虐五年其以危言免禍者僅大理評事羅僑一人耳  
莫不吐而怪之楷僑言事踰年瑾伏誅得脫或賴是皇甫錄  
云瑾始飲腐僑賴已覆議云僑之妄言固迂謬當誅僑之敢  
言則忠誠可憫錄亦難得

郎中劉鐸罰運遼東米千石又賠補浥爛草束因極疏乞充齋  
膳徒夫或煎鹽炒鐵自効忽命改降御史清理兩浙鹽法為  
一時極異之典聞張綵寔薦之如釋李夢陽後旋欲官之選  
部擬驛遷康海為吏部侍郎各力辭止瑾于時喜怒任情不  
復可測

逆瑾時諸司以多所糾劾為能有給事中某渚承委宜有劾奏  
其父都御史銓亦在劾中瑾喜謂法無可行者不知渚臨奏  
如何落筆恐為千古笑端

中書舍人興選科道始正德元年李憲劾劉瑾鄉人最誦事瑾  
其丈官追奪誥勅自憲廢瑾誅憲坐斥然考選迄今不更微  
亦有中人所欲者乎部屬改授科道亦瑾時一行國子監博  
士等官預選自李默議始

祖宗最重慶成宴簪花醉酒歲一舉行逆瑾時偶遺花上天下  
太平四字咸謂咎徵嘉靖三年詔罷宴唐修撰臬猶以為

請改就化中御史徐鏞何琬以地震請免宴 憲宗責二人  
不諳大體謫外聞舊有聖節冬至三宴罷惟慶成禮歲不輟  
云余在京竟未見

王夫格入閣未久晉一品近三載乞歸得馳驛給興夫月稟去  
始終在逆瑾擅權中雖寡疵頗度所匡救無幾究完保身名  
知當時議論猶寬或差賢於同流合污者耳要在劉文肅忠  
下劉以瑾誅後入甫數月致仕出處嶢然即文雅差遜而所  
扶植大節多

王鏊既去劉宇曹元先後入與焦芳同附瑾進李長沙率與共

事不知李何顏處此瑾敗三人各生除名李雖瑾留碩鉉鎬亦被休矣周文端經既致政以曾元其壻留駐京踰年時譏濡滯如此壻寧宜遠絕

劉瑾末年欲收羅人望蔡清王雲鳳俱以致仕提學起西京蔡酒蔡未聞命卒主輿請瑾臨視太學如魚朝恩故事復請較刻瑾近行法例永禪導守雲鳳亦釋褐知禮蔡清為師中緣忤李廣謫生平可觀不意末被偶至此晉人猶以倡喬字王璦並稱三鳳不知何說

光祿卿李良始事劉健甚謹得美遷又以女字健孫及健為

劉瑾所憾良懼累詐言女死謀他適為御史張仕隆劾罷小  
人醜態可恨如大監廖鵬得罪拜錢寧為父出所寵妾事寧  
良亦鵬類總發端意同

寘鐸之變起於劉瑾清括屯田謬清出寧夏溢田數百頃責租  
苛逼群情憤怨今勅云清屯塩清衛所軍為富強資幸其效  
如嚼蠟不然即前車可監

安化侯聞康海移書將軍雄書令遣信通仇鉞約為內應賊首  
可計日擒卒如所料康負謗廢居大頰耽散使或藉耗磨雄  
心碩寔磊落才李何輩終非其比

周廷徵傳云安化王寘錡反屬廷徵按秦斷以先發後聞之義  
即調兵分守要害以計通仇鉞密擒縛之械首何錦等送京  
師會揚一清張永至張媿功不錄已乃追還寘錡另報捷蓋  
奪諸將士功予權倖輩於是紀功給事中却夔懼自盡寧夏  
幾再變廷徵疏聞於朝云臣不知他日繼却夔之死何人而  
今日握劉瑾之權者尚在時瑾已誅語明指張永蓋以死自  
誓也此事罕傳若其追還寘錡另報捷宛然錢寧江彬舉動  
永如此楊文襄猶屢稱之何哉然廷徵初亦以賂瑾開  
劉忠宣逮到出劉字焦芳之謀擬死王整屠消暑為稱冤餘

無敢出一言者既成行寄李西涯詩云寄謝同年老知己天  
涯孤客幾時還意深望李也知李亦裝聾作啞非甚得力瀟  
竟以忤瑾去猶自矯：

汪直斥饒始尚銘劉瑾誅功歸張永自古以小人攻小人毒從  
內發外庭無著手處所傳楊一清畫策或不盡無至敬云上  
倘不信公頻首請死上前即退瑾殺奴饒狗此豈對永之言  
哉楊號智囊決無許直突理：

林貞瀚刻瑾疏云張數筆以憂死又差出都給事中許天錫尋  
事嚇財逼令自殺二端足証史傳之訛中以崇王之國為瑾



罪時宮車屢駕無親王居守固危有之亦懼他蒙且龍潛安  
陸謂何殆天意乎

劉瑾既誅而林俊疏始上謂成於瑾亂政之日擬俟賊平進林  
端人諫非妄語且陰慮瑾之後復有如瑾者出爲憂國苦心  
而王去貞輒以爲譏王丈士輕薄何足窺林百一乎惟疏云  
于瑾宜知己報稍傷蛇足

張綏以平日恃瑾傲視內閣既下獄復發李長沙阿徇沈李怒  
與張永謀不盡誅後受其亂遂至拷死劉屍王丈洛筆記其  
事頗若憐綏者何氏名山史叙尤詳綏既失身匪人爲彼尊官

即百口何辨桓範之死曹真其例也惟以前後事律之王璿  
視綵亦復宛然

劉瑾有侄女初擬簪戴探花大賓不足歸卽解元昇傳瑾誅昇  
挈妻遁去後展轉襄漢間為娼王廷陳聞等詩曲仍自叙家  
世本西秦正評其事余聞康對山集稱昇爲孝善詩文年不  
永爲傷何嘗有挈妻入楚之辱詩人語詎可深泥康誌昇配  
淡氏按劉瑾實姓淡

熊石厓桂官大理寺正值劉瑾敗促成獄法司多出瑾門下黨  
相顧駭愕惟桂毅然承之不終夕成招盡發奸逆狀雖宸濠

五始亦不為少諱也濠恨甚遣賊悉焚其居第處之裕如可謂剛毅獨立之士史關載

徐其記葉信守吾泉郡抗鎮閩某甚奇事在正德癸酉間云聞每行郡守以下易服卻迎抵館入班庭需再拜丞佐得自縛皆為常時承瑾餘虐宜聞勢尚爾橫赫

劉蘆羅僑既以劾劉瑾得禍比瑾誅論定瑾起謫守長沙僑守台州先朝之不因諫立名如此羅洪先自云累憂居頗從鄉守並講學僑札讓之謂不應古禮足徵僑之苦勁無諱也姚鏌張嶺諸名輩亦屢推僑

張東惠岳鄉試策萬言紙盡書其背下合格太守余佑奇之持  
白御史得留遂舉第一例當謁鎮守大監長揖而已監惠曰  
今年解元豈琉球生耶張學問氣節業預見正嘉之際吾即  
得頗頑蕭邑惟張一人

王哲撫江西邊林俊來巡視欲用一革任都司哲不可林怒移  
文語侵哲：語三司曰林公先朝名臣處斷必不苟或為申  
稟不詳所悞耳乃再削牘請林悔悟即罷其人不用因愛重  
哲先輩之虚心相成不執我見如此反目短見長所云誤處  
思之更是一適

劉野亭忠歸鄉不見客或勸之荅曰說詞巧說不魯習學卑禮  
詭態不魯操人此公終樸俊有體不惟此公記許石城穀丈  
衡山壁晚家居並未謂謝客云先輩家風類再今見之必駭  
且怪矣殆無復尊重老成筆意。

林見素在江西與宸濠不協疏有叔段京都吳王几杖之比儲  
柴墟以為規謂寧府賢而有材好善惜名稍引咎順承之為  
當儲賢者非有所私於濠直邀聽未審耳又規林性大銳事  
宜名兩司從容議種：針砭

儲柴墟懽疏薦丁璣張吉教毓元王紀李文祥五賢平生所嚴

事王徽善。館制行可知。而亦與徐子仁霖交。徐諸生以不謹  
黜然雅善詩畫。凡古人取友不專一致。持己嚴責人恕。猶寬  
平博厚之風。王徽號棘齋。亦異。

呂涇野。枏在南都。謁陵服祿。淡衣同僚。告盡衣。緋呂曰。壻墓生  
哀服宜祿。是呂素精於禮。初登第。祿入祀先祝。稱某之子某。  
何粹夫聞而躋時。王廷相亦深明禮學。

正德戊辰。擢呂枏狀元。方達瑾用事。內閣意逢迎之。特用陝西  
人。首冠。惟呂終卓立。不受瑾牢籠。為難耳。康海視之媿矣。  
亦所處不同。海以救李夢陽。故辱身。寧充其官。不悔豪傑本。

色自在李後恨報海稍薄

何塘以進講塞溢衣冠不鮮明 武皇怒幾欲撻之體微損  
講臣以剋明溫潤為美舊須簡選不困資序為羞陸深嘗  
稱章楓山可為經筵官劉文靖不然慮其平居大儀度山野  
意同是攷經筵而奏事惟陸深呂柟二人皆謫外寔非奏事  
所魏較汪佃後亦自講筵外遷

顧東江夙受李文正知自請於李白清在門下惟當退一步耳  
今誰能存此意者或忌之喉臺諫誣以不根事王文恪家居  
為作風聞論說之前後輩知人守己道各自盡顧後以禮侍

歸每朔望則郡邑官兩學師長率諸生到門問安蓋德望隆  
故聞徐丈貞元輔孫文簡陸丈定宗伯林下數十年並無此  
禮

判官同世古人不廢

顧文僊清云牧羊於鄒峯豕於園。非愛之須其肥而食之也。無  
因之鯁。其將羊豕我乎。逢蛇而奔。遇虎而伏。非敬之。知其毒  
而避之也。不情之禮。其將蛇虎我乎。語雋永有味。士大夫所  
宜三復。諺有愛敬畏之說。近是。

李廷相尚書嘗言在史館十八年始得展書。近有不數年即為  
講讀者。失古矣。按侍讀侍講舊為翰林屬官。列編簡下。後始



班其上惟述士成科一行之旋罷

魯鐸半魚菴統餘觴咸可醉飽上相之前固李丈正儒雅風流  
弘獎數額亦見詞林之與內閣同署夙晨夕歡好也嚴介溪  
雖懷險待詞林厚猶是先輩遺風

楊文掌丁丑廷試卷得舒芬策以上閣老梁儲擬第二楊力爭  
得首當時掌卷官猶預薦士近止管收發耳以余所見儘有  
佳卷沮抑不得前即鼎中文字未必逾勝科名有數昔或譬  
之骰子選良然

香山黃佐嘗與陵陽梅百一論武王伐殷歲在鶉火通考象

緯不載因推步之歲自烏帟旅于龍首 聖祖琬平僞漢丁  
未改元星紀吾分也壬午靖難析木燕分也福德所在其應  
如響梅欽曰向見舒國棠亦論及此舒黃皆精通曆象曉音  
律無慙史職古太史原職天原

武宗奉孝貞純皇后神主馳羸車自西長安門入舒芬諫后主  
不宜入旁門異日史臣以春秋法書其事則請史者亦以春  
秋公薨書地不書人之法求之致孝貞有不得正終之疑宜  
下詔改明光華史法精嚴如此

楊文策視閔中學政語人曰吾於三士烏康海呂柟馬理也壬

予鄉試李西涯書詢榜張潛冠乎楊荅曰設無李夢陽張鳳翔二生者潛不後矣比榜出果然世服其鑑要如此才自易別識恨吾蹇不一逢

蔡文莊督學江右得新建生一卷夏姓奇之曰異日為良臣茂勝予矣為改名良勝字之曰予中是秋舉鄉試第一旋官給諫著蹇諤聲先輩此等事極多

姚鏌誌云鏌視閩學政閩中興泉建汀諸郡易春秋學孤絕鏌延明經士分教各邑用是五經復全按閩易學自蔡文莊清得傳於三山林玘為海內淵海蔡姚同時人功似不啻歸

姚惟泉守沅海傳云泉庫舊解經師海聘興化進士黃亨乾  
舉人林沂為講解詩書二經人丈蔚起較寶錄耳今郡中習  
二經士運不甚多

賈臨穎詠故長者傳以私憾構河南廣東提學蕭鳴鳳魏較  
各坐調去蕭懲惡嚴雖才不貸魏敦行重受欺不悔或間  
不無過甚處而為賈累多矣總執法招尤浙督學最推薛  
應旂蘇濬亦並坐謫

李獻吉予楊石淙書歷數一時賢者如陳士賢曲庇諸生有為  
盜者釋不問教靜之奉歐御史至持刃挾之雍世隆途笞知

府廷捷奉將楊繼宗動罵賊官不絕口好沿途伺察人動靜  
李意蓋自況也要賢者之過士君子不宜以是自處陳恭愍  
故醇儒恐難舉首為誣

燕忠以大理卿出勅江右獄李夢陽恨詆之楊一清誌其墓頌  
比之趙抃也按內云知州田崑為人所訟上怒甚將寘重典  
忠三疏雪其誣崑吾邑人以筭武當道士為中貴誣毀醮  
壇萬歲牌被逮獲釋實忠力

何大復奏記許襄毅楊文襄兩開國體其人溫然長者無  
少平文士習氣在邊李上且以何倦於李極厥危困而李

輒用文字小隙構譏嫌曲直自明不待辯

王九思遊春記或譏之云內李林甫擬長楊國忠擬新都賈  
婆擬臨穎當國恨甚王寔寓意於此時處分逆瑾黨獨侍  
對山溪陂過嚴宜無以服其心空落得地快活惹他笑罵倒  
不如微竊以職業反是長策

李開先扶王溪陂儀度云坐如止水之無波行如輕雲之出岫  
此何等語又能歇似康對山彈稍次耳聞陝諸公類由意吹  
彈至公用相舉讚閱高新鄭病榻遺言有笑吟：掌定三  
台印之句分明用遊春內曲

李空同與何栢齋素厚臨沒囑其子勿請栢齋銘曰栢齋一生  
清苦我則近於任俠不當以人累丈縱栢齋曲筆譽我人亦  
不信其後呂涇野沒其子請王漢陂為銘王亦固辭曰涇野  
一生高苦我則放于聲色不當以文累人馬理嘗告以告薛  
應旂曰吾聞中人甚自知始悟諸公難拘縱各殊方寸炯：

明原在

何栢齋之選康脩撰墓表云才甚高性甚直不切：于規矩之  
內其學聖人之權而未至者乎恨不遇能言聖人之道者與  
之講去其非粹明其是語具有斟酌噫此空同所為不敢乞

銘也。歟。李銘出。崔銑亦自蘭磻。

甲戌廷試。以太學衍義為問。馬理對曰。太學乃堯舜以來相傳之道。真德秀所衍。直漢唐事。非本旨。又止於齊家。不知治國。平天下工夫。皆本慎獨。德秀造詣未精。不足慕。以是失當事意。僅直二甲。按馬語。大非無見。

崔銑於正德中。獨推劉以傳忠傳。尚書珪。年。金吾斌。三人。珪以番僧奏討回百項。為大慶法王下院。勅僧曰。法王何為者。至與尊號並列。大不道。當誅。詔勿問。珪寓正於謫。正妙甚。斌武人。遂得驂駕。二公士為善。其可弗力。



崔大敏記金陵梅純先世為指揮純舉進士授知縣已更就指揮晉中都副留守此亦大武互換秩一証也純好學篤信程朱生不附中官罷歸稱介特操

周廣為御史疏劾錢寧貶懷遠驛丞寧遣人道刺之至偽為頭陀持波囉囉行乞肆百里始免抵驛復觸郭勛怒痛杖二十身世多難至此卒官侍郎可以視為善之難焉為善之益廣意固非求益也曰為之難

方簡肅良來自浙布政劾錢寧致仕歸即堅意養母屢起下赴以居官素謹月給米三石尋推刑部尚書報聞業先卒予祭

算使在今日必以未歷官為疑。恩難全部矣。攷章榘山事。同  
又。蕭前輩家居給米養母者。陳茂烈與良永二人。陳至改晉  
江教諭。使資近地祿尤奇。然卒疏辭。前人稱孝廉先生。以幾  
聖門弓損。

黃鞏將入都銓。補或輒止之。鞏自題室曰茅屋后田為生。太拙  
鵠夷馬鞏自許何愚。及以諫南巡杖瀕死。遺弟詩云。不用汝  
謀方至此。須知我道故當然。殉國之志誠百折不悔。以余思  
之。即其弟言非過。

武宗微行幸昌平。將從居庸關出。御史張欽閉關納鎖鑰。自負

勅即持刀坐閤門下曰執開門者手殺之詔使來叱去駕  
為却還鬻拳兵諫之風十載下復於欽見之時上意尚少  
低回嗣清決矣欽後官侍郎負甚

正德中如却祀廟祭元旦慶賀皆抵暮始行禮或始傳免百僚  
枵腹奔命前仆後踵出蹒跚爭歸有踐死者又雖昏暮而司  
晨之官尚報卯刻未幾遂遠狩遇聖節朝服遙賀而已時  
業不成世界

張永以東廠功挾內旨引劉馬兒例堅欲封侯楊文忠不可  
曰劉永誠以功封族人聚非其身也事載岳蒙泉類博稿中

揭示之乃已知岳集最為時傳誦余稽岳當國日屬石彪獻  
大同捷誇首功無笑累：梟林木間岳命取地圖示之曰某  
地四面沙漠梟于何所語始塞二事相近讀書廣聞見信經  
理世務一端

楊文忠服垂滿梁文康趣徵起之既至讓楊居其下時以為難  
梁才實不逮楊達盧懷慎若梟曠終填不思姚崇得乎即李  
文正亦云文翰之長吾或一日經濟大才必須介夫思楊公  
所為取重者何在恰宜着眼

靳文傳賈主辛未會試有奴私洩試題第舉子受金為言者

所發戍奴黥舉子靳竟免連坐後以大疾忽稱愈出主丁丑  
試荪煩言去靳去晚矣若論今情法寧容更覲顏仕路理

江西苦調到狼兵掠賣子女其總兵張勇嘗以童男女各二人  
送費文憲家費發憤疏聞請嚴禁戢驕縱極誦李夢陽土兵  
行餘千行諸篇情狀俱見

才寬以總制死零虜卒辱國甚矣平日好野戰咄人演習營陣  
為怯待將領嚴有微罪褫其衣冠加中愜令遊營示辱衆各  
鮮體寬才氣是趙時春馬吳之流楊一清寔隱痛之非樂禍  
也如范希文之于仕福

長史強界奇王三原九十詩三公事業三杞傳留所究名大遠  
省意若恐三原再起然楊石淙起西征亟勸之功成早退以  
全晚節而曹謙亦書來此何等時先生可復出哉且致聲所  
厚切勿道起用二字並稱直諫友時值北風雨雪之候有識  
者合有同憂

楊丈襄募兵法下拘將史生儒人等能招集鄉兵貳百名以上  
查果精壯奏許陞賞謂此與納粟律進不同其人能駕御如  
許鄉兵決非齷齪輩居官臨民必有可觀即募兵而選將之  
法已寓識殊深達

各邊雖有大將軍砲無敢點放者觀楊石涼集三邊教場惟一指揮楊宏解藥藥火他可知矣聞宸濠攻安慶急守將楊銳於城頭一空砲甚巨金鼓聲出示若將禦敵者亦倉皇却兵法有虛有實各相時施

方劉六劉七魁作朝議起馬中錫總制楊新都曰馬丈士豈堪是任卒驗丈士使倆自不足動名宰輔意然苟無違才易務委任得宜亦翻：廟廟選也馬才自別有可用者咎在銓衡枉溫之惜殷浩同是

周襄敏為太僕值狼山捷兵部議陞有功將士各三級周曰不

然將士有寔職有虛銜有正副參遊實職大而虛銜反小有  
管哨管隊實職小而虛銜反大若一例陞級則管哨以下皆  
可為督府而參副以上或止都司首尾倒置非便從之衆咸  
服其精當

陸完寔有平寇功才畧兼優以交通錢宸寧宸濠坐罪戍無敢  
齒及者政類近逆案中人完成吾泉州初嘗夢至山曰大武  
即其死所其少以諸生擊妖術士王敬詔逮為王恕所奇免  
陸全卿姓字亦屢見時賢集中

王晉漢司馬論邊事不欲多創城堡慮力分不欲多用民壯慮



勢擾不欲虛設總制慮致牽拘不欲廣行徵調慮茲勞費可  
謂俊偉之才老成之識王文成剿南贛賊不主三省夾攻不  
調狼達兵見政與晉溪合顧事亦有難例論者所云運用之  
妙存乎一心

王陽明初加提督銜江西鎮守大監尚以調兵馬不行會同為  
憾疏聞王晉溪覆云南贛設都御史專備剿除盜賊若事必  
會同彼此牽制不如將衙門去革止令江西鎮巡官自行之  
為愈也詞氣明肅聞自生畏伏

江西弋陽王驕甚持金牌脅布政司出金錢代脩鹵簿衆莫

知所出布政馮岳查各藩自分封後未有敢擅脩通傳者將  
奏聞王懼求免此與羅通按四川拘幽蜀王借用與伏置玄  
元皇帝廟中事一機括

錢寧為方良永所劾不報害又能恤胡世寧獄中自其一念之  
善不可誣也雖君子亦有隙昧如徐有貞是雖小人亦有隙  
明如錢寧是不謂士大夫意識出閭倖下汪直之知薦秦紘  
事同

唐荆川羅念菴相與述楊文舉遺事唐謂得寶珠一斗分散  
左右立盡未必然也惟羅述其父故交葉賓整又所舉士

卽八年出守郡三年轉兵備徐州不知其其為淹且抑曰此地非此人不可名銓宰為官擇人不私知舊自盛德事羅以子述父非虛遂為定業

費丈憲拒絕寧藩最其相業本領罷歸徐後被掠家被焚先塋被掘發所受毒害儘深其弟尚書宋物望微減余讀薛方山傳云宋娶妻氏於寧藩妃兄弟也屢露意欲親宋輒固自遠嘗宴出大龜以示曰寧王遺我大寶龜宋曰不可下丈不曰西土之士不靖乎寧為憮然亦自不慙双壁宋性和厚家居頗通請謁得謗坐是

武廟南巡陸完。力沮諫者。時完為太宰。慮或奪之。陰幸駕出。得  
久於其位。又風通宸濠。方帝星明。江漢間事成。觀非望福。謀  
畫深秘。舒梓溪疏云。江右有親王之变。大臣懷馮道之心。直  
指其事。

惟劉六楊虎珍平鑒。與因得遙狩。惟華林東柳寧息藩。却因謀  
閹奸。內寧外懼。理信相通。時宸濠反。差驛倘遲二載。于宮車  
晏駕後。行之不知。作何抵當。雖勢亦終敗。但更多一番倉皇  
耳。濠以懼誅。故猝發。撥始謀異。

林潮。吾邑人以御史巡按江西。疏舉宸濠孝行。坐罪廢。潮寔

偕撫孫燧連疏孫死難無疵及者潮獨負詒終身老居鄉有  
有善俗名抑亦其所遭之非幸與

寧藩蓄異志漸露端倪觀方簡肅贈安慶林郡丞序鄭必谷  
荅荊湖周方伯書當時賢哲業陰慮及然未有如林待用  
蔡介夫二公番識於十數年之前者蔡超然遠引宸濠悔至  
欲以女妻其子不從何等高蹈

宸濠謀叛徧結諸鎮守閩河南劉璟留都劉瑯浙江畢真咸約  
為內應真一夕構市人火其居延燒無算杭守留志淑閉門  
止諸司勿救火及濠叛陰謀益急淑先伏民夫門外入勸真

頃自台憲報討賊司入府上堂執真手全畫出府中徒衆釋  
疑真倉卒不得已出之盡執置之獄俄與真入視庫藏兵器  
曰此何為者真不能答踰月得旨械至京伏誅淑膳略機智  
在王丈成伯仲間吾邑先輩罕比者僅終方伯惜未竟所至  
王丈成吉安聞變率各知府領兵趨南昌留佐貳官守城尚慮  
未足一民志也敦請在城鄉宦老成者數人入府衙居住事  
同商決施行亦雄略他人敢爾

孫忠烈燧初以刑部郎擢大理寺丞屬破格許棄教為宰知  
之特從優遷其巡撫江西縣楊文襄薦蓋以宸濠事委

之也中以勘明胡世寧無罪忤權閹意擬旨逮亦賴文襄力  
持卒全名節王元寧傳未及

兩廣總督楊旦得王守仁報即委王大用督兵赴援仍遣汪鉉  
率驍勇五千繼之鉉意不欲行布散流言且慮其惑衆檄止  
鉉專委大用比至則濠已就擒鉉慙沮恨甚後以媚事粵紳  
方霍冒躋宰席大用屢詬言者鉉有力焉鉉奸業見此時萬  
鐘之慙沮張岳亦其例已

王廷相南昌行云白洲老子中臺長何用文章設新莽慶陽  
鄙夫稱雄特學得兵書翻助賊白洲李士賓慶陽李獻吉

也士實已敗被執見伍文定不跪伍怒撻之二十創死年踰七十矣昔人嘲夏貴詩何不六十九乎

李獻吉提學江南與總制陳金御史江萬賓布政鄭岳叅政吳廷舉俱構爭性粗獷真難相處亦雅恃宸濠誅非賴司寇林俊護持幾殆獻吉甥御史曹嘉能詩碩無禮好鬪即其舅亦畏避之怪鍾何異氣致然

吳廷舉初請從李獻吉學詩音響不諧為所哂怒相官去後顧䟽薦李余誦李放歌云東湖子君非漢河丈夫余亦豈卑、與世而浮沉恂復共關非庸劣



萬古欽而吳亦報之詩夫既觀顏面豈不愜素心如何異同  
論三兩相差參蓋兩公皆偉人負氣不下微生睚眦旋消釋  
久非祥孺輩所知

唐錦視江西學濠廢不能死被械禁事定得落職幸矣本傳乃  
云濠行禁稍懈得奪門出集民兵激以大義因收捕偽官十  
戶等時巡撫王公守仁兵駐豐城亟馳請入城許為首功語  
全謬飾豈可以欺天下後世

楊璋附宸濠獲罪方其任嶺北道副使料敵甚明所申請動中  
機宜識幾埒王文成即王亦心倚之如此才何意作賊宋文

帝所為惜孔熙先也文成晚撫思田結局頗草：當緣同事  
監司寡如楊璋其人有王綸者為濠偽兵部尚書奮亦為劉  
忠宣楊文襄獎拔

同時自伍文定而下邢珣徐璉戴德孺胡堯元皆躬冒矢石有  
勛亂功謝源伍希儒公幹御史同舉義宣遑顧九族皆賊平  
各作歸至或誣之曰躋丹金寶勞之弗圖橫生忌謗灰志士  
心宜乎王文成為發憤辭爵

守安慶為張文錦楊銳功甚明閔舒芬記云張楊已  
旗賴指揮崔文斬其旗擒附賊潘鵬之子戮于城

守議不知舒何據想屬訛傳

林見素家居聞宸濠變即夜範錫為佛郎機銃手挾火藥方冒暑馳二僕遺王丈成於江右比至濠就擒七日矣林忠義之誠老而彌篤觀此知前疏發于劉瑾誅後有深意殆為張永輩成未可以諸生見輕些

宸濠事若成則費丈憲一家首受其禍勢最危故捷聞喜幸獨深有志喜詩其云八月朔日食晝晦鷄鵲皆歸占為諸侯謀王其國不昌終受其殃天象信先見抑時全得進賢全劉源清力遏其東行非然亦岌：

安慶守不下王守仁師已及南昌李士寔勸宸濠舍之直攻南京既正位江西自服不從濠時聞南昌危心膽已碎虎出穴  
咆哮其子安得不還自顧且安知南京之可疾下乎曩高煦  
反亦或獻此謀終屬浪談

李本司李建寧值宸濠反往提兵守分水關力辭科場聘義猶  
可及其擢去留記諸司云嘗斷三死獄成案後始覺其誤誨  
之後代者無嫌改正則斷之乎難能矣學莫善於改過自知  
明自訟勇最一生學問得力

唐寅郭詡始俱客宸濠所漸睹逆萌陽狂自脫去總高名絕

技累之推之李夢陽、莫元亨皆然。使道學之儒能如賀麟閣、莊定山其人，奚至有此匪議？使文墨之士能如沈啓南、文徵仲，其人奚至有失身辱咎，原自取。

王新建能用度外人，收羅甚富，如致仕縣丞捕盜，老人報効，生員儒士、義官義民、殺手打手等，皆在籠絡奔走中，即土目亦為心死。大都眼高襟豁，從學問澄徹夾。

伍丈定尚書幼從外家詣寺觀燈，夜迷歸寢，佛榻下詰旦僧啓扉，見一童子熟寐，席襍華整，皆自他僧房移至者。莫測所自，駭甚，送之還，蓋神明默相之矣。即如王文成五歲不言，驟

詠金山詩奇絕後寧可再得

楊侍郎果自云吾歷官實多曠廢惟不識劉瑾錢寧江彬三虎  
差免覬耳抱負隱然記張侍郎士佩亦云生平自負者三官  
無錢運無賄贖無居間語平三要大夫如是足矣卻尚書寶  
願為真士大夫即同此意

南部屬入守備廳見中貴禮甚早至張嶺惟長揖而已迄後遵  
之嶺布政江西哀濠饋之東梨薑芥四物意垂離江界也先  
亦忤劉瑾著節

韓邦奇以僉事劾四月太監被逮自記自浙至京未嘗頃刻釋

三刑故事下錦衣獄者杖不過四十乃知八十且命人監視之知前斯逮繫諸臣道皆囊三木即岳正張鵬事可見後稍寬杖數亦無定準不如諱言

張永先同楊文襄定寧夏變歸計誅劉瑾比王文成齟齬于張忠許泰之間形迹危優賴永婉解永似可與言皆既坐降司香文襄特薦起督團營功亦難泯王元美記正德間有兩張永致止是一人耳豈偶誤與

武廟歸自宣府百官迎道尤不稱臣至幄下騎坐楊廷和奉觴梁儲注蔣冕奉菓毛紀奉金花手接飲已各賜銀牌真大家

在戲局中不審諸公作何面目時惟翰林官不賀亦無賜錢  
尚是舒芬崔鉉等持正力

韓邦奇極為張綏白寃時韓寔為吏部主事有堂屬誣惟寃綏  
故訖李東陽益力如引御史張芹李榮陳寬張永劉瑾魏彬  
數人性行不同東陽皆得其款心神奸莫測等語豈不無稽  
同事之思乎惟云蕉芳劉宇與瑾交厚莫能聞綏始勸退之  
微可補史傳闕

鄭宗仁為光祿卿諸供應悉準弘治例樽節頗多武宗偶幸  
光祿涼樓承命進茅茶等物係屬少之虞得罪宗仁曰罪有



有我在或傳上且去笑為節儉管家云後官戶部尚書任丘人見楊新都誌中

武宗天性私寬即荒遊默有操縱如南巡日布政姚鎮誤觸龍舟都御史王誥忿爭黎瑞俱不怒釋之山東鎮巡官進宴卓畧第笑曰慢我何甚及駐楊州太守蔣瑤力却中貴傳宣需索俱揭帖進上坐行宮簾下諭曰可問蔣瑤晒白布何處出也瑤每執奏但目為酸儒而已卒全賢守之名知莽皇慈仁脉猶有存者

所記武宗大度不一端時將官朱乾等橫行直入臺基殿取馬

革去為主事黨以平責禁江彬怒執詣豹房慰方晝寢語曰  
小事故他罷日昃傳旨遣官且回聽明日發落已杜門待罪  
三日竟寢出外望恩

鄭善夫諫南巡疏云以天子之尊、貶而稱公、非惟大怪、且有大  
憂、設有不順、藩王以公禮處、陛下奈何時、武宗自稱鎮國  
公、名壽、故鄭疏及柳不惟是帝、嘗習韃靼言、自名曰忽必例、  
習回、食、自名曰沙吉教爛、習西番喇嘛教、自名曰大寶法  
王、領占班、再詭怪盡。

武宗初巡太原、得晉府樂工妻劉良女、絕嬖幸、南征、劉贈一簪。

為信過蘆溝馳馬失之大索不獲至臨清遣召劉以無信辭  
上乃乘輦舸晨夜疾歸至通州與共載而南宸濠偽檄中既  
奪馬指揮妹梅馬皇后復納西山娼婦號劉娘：指是聞自  
南都還蹕頓賴劉固駐力

遵化湯泉有正德宮人王氏怨詩題其壁其南巡也道還湖廣  
參議林文縉入其舟奪其妻行事載弇州巡幸考又南京教  
坊妓王寶奴亦嘗給侍御輦

武廟幸楊一清宅楊侍酒俳場內大璫皆巡撫陪筵御史監廚  
每上湯飯具五十金為儀旨暫收下至數千金曰盡與楊先

生作茶菜資一日園中釣魚作詩亦令楊作辭詩才鈍請入  
室構思不許笑曰我考秀才正要面試詩成為易一字嘗戲  
呼為楊麻子云晚酒可笑

楊邃菴陪駕樂飲而晝夜應制作闌門之歌或云有婉沮車吳  
越功稽無顯據王震澤贈絕句曼衍魚龍看來了梨花新  
部出西廂蓋嘲之也何嘗有規諷意

有傳武廟幸鎮江祭新閣老貴丈云朕在東宮先生為傳朕即  
帝位先生為輔朕今渡江聞先生計策哉按史僅遣番僧繞  
呪之不聞祭丈而辭氣高古曲折盡六言中又非杜撰所韓

當於寶錄寶訓徵之

喬白巖宇之在南樞生使逆藩權角權倖竊謀六飛安返具有  
昔人矯情鎮物之風聞武宗伯牛首山江彬陰懷異志山  
神震吼達旦彬懼止歸收聚寶門夜深傳開門迎駕白巖  
堅閉不納是夜蹕駐報恩寺所謂以死衛社稷者非耶冠天  
叙時為府丞功亦亞是

徐子仁素美髯武宗手剪之用代梯子因自號髯僊視謝  
靈運鬚施天王像事為奇徐被遇想命撰詞曲故楊循  
吉亦然楊瑾同優伶耳徐乃至與上同卧起

楊循吉自撰生誌叙族望始楊震楊鮪楊億以及本朝三楊迂  
誕甚矣 武廟南巡蒙呼試樂府嘉靖初進九廟肇興頌一  
篇華陽求嗣齋儀十卷亦蒙嘉納語津不慙視其壯歲  
棄官高節若兩人焉何也惟自誅辭云有官不作身日卑無  
財可悅親益離指特悲愴

祝允明貽唐寅書萬物轉高轉細未聞華峰可建都聚顧少  
加閤肆可大可久語有淵詣殊不類祝口中時蘊郡王大恪  
家居後進風流輩出各縱所至未嘗以一律拘而諸才士亦  
不聞於王有所異同猶稱盛事

武廟駕南迴亦醫院使吳傑功傑每說安江彬以萬壽無疆狀而密言於大奄曰察上脉率可及還內耳脫至宣府不諱吾與若豈有莽所憂慮懼百計邀上還昔云工執藝事以諫其傑謂乎傑子孫今為毘陵著姓

楊石齋行狀云諫止寧藩護衛事而梁億著皇明通紀乃謂楊竇擬旨予護衛梁厚齊傳云寧齒劍不革威武大將軍勅而楊慎駁孤樹稟誤乃謂草勅者竇梁二說不同億為其兄慎為其父霍韜華又以愛憎意憎飾其間各引內閣勅書簿署名為證將孰從辨之

霍渭厓為梁文康傳云負郭無寸畝所有田皆賊巢不食之士  
議建先祠需八金卒不能具信廣矣然其子次樞豪富驕  
奢多占人田產殺人無算至為言官交劾并及文康視霍辭  
何相刺謬王文恪子延劾富亦著聞

凡評論古今人忌從私意起見崔銑力辨李文無富貴容而  
以賄詆徐文靖黨加王文恪崔從河南人起見也霍黻力舉  
梁文康有社稷功而以逆誣楊文忠黨加三楊霍從廣東人  
起見也霍語尤不足信

正德中吏部三尚書張綏坐劉瑾黨陸完坐宸濠黨王瓊坐



江彬黨皆論死謫戍有差石璫代璫或帖部門云莫做莫做人願世仍貪做尚書如故閣不畏死

馬思聰以南都尚書事權江西所治去南昌三百里宸濠生旦即無賀得以道遠為辭胡自投虎穴雖終憤懣不食死義同孫許而於撥時度務之智為已踈矣時王文成亦趨赴省倘與宴不審何如以觀天意

李士實飾詐沽名多諸賢來往即蔡文莊尺牘亦以劉時雍李若虛並稱時雍為大夏字豈其倫嘗出白鷺圖求林

尚書泮題泮奮筆有終恐羨魚之句時歸登見泮初同楊守  
隨盧楷疏救陳蔡酒鑑知名

行人傳檄奉使出聞母病京師以使事尚饒乞回京省母禮部  
尚書劉春曰既可勸孝復無妨公務何成案拘覆從之春此  
舉得法外意檄吾邑人狂孝節最奇

吾邑顧侍郎珀長江西藩政屬有龍虎山之役不忍派民查庫  
藏得三巨桶封識巧散無簿籍啓視之金也以充工作費餘  
代歲額此等事極非前輩所難

韓邦奇修同州縣記初見解傾圯問諸民曰州守貪不暇為也

再見杞益甚問諸民曰州守廉不肯為也廉乃與貧苛緣其避勞傷之嫌侵剋之誣故語有深指

康海誌鄒昊墓謂太監劉九奉勅入西番取活佛檄四川藩省措置銀百萬其得改為十萬者繇昊力按九入番事虛妄為番人所襲僅免叱歸則宮車晏駕矣莫追罪九者王大成有擬諫迎佛疏察正其時

如王晉漢生平揚之則為名臣抑之則為奸黨而非定論視王威寧同晉漢與楊新都為仇桂文襄霍文敏特舉不容口過譽晉漢正為巧抑新都地度才誠過人守者矣威寧猶未

免媚汪直取容何況晉漢

何良俊記 武廟彌留之際楊新都計誅江彬以握重兵為憚  
謀之王恭襄王曰錄其虐從功令至通州聽嘗於是邊兵盡  
出彬遂成擒按新都計深隱決無預洩之不知已之前王故  
黨彬亦無新都畫策事

即高岱鴻猷錄云 武宗崩江彬偶不在側皇太后下榻廷和  
寺議祕不發喪以旨召彬入誅之攷彬業出成服值坤寧宮  
安眷吻遺祭見淑寧不知鼎湖信大喪詎可祕耶更以曹奩  
釋兵歸第事為比益去之遠

觀楊文忠之處廣辰卒已間虛位四旬迎君十里鋤奸弭變散色  
謚如當於司當勃韓琦傳中求之覺本朝三楊二李俱有遜也  
抑其時孝康后主持功亦不可誣

楊文忠在正德中事難遂志委曲將順多非遇鼎成經濟才幾  
末繇見徐文貞亦然兩人並以登臺詔收功倘先或罷去竟  
泊沒矣作名臣亦須運命嗟夫

以上一百四十八條

國史唯疑卷之六

嘉靖

正德七年九年黃河連清李夢陽詩云今瑞定於今帝應世人  
休擬聖人生益婉辭也至嘉靖改元始直書其事為入繼大  
統之祥云紫蓋復從嘉靖始黃河先為聖人清舊有河冥濁  
反清應陰變陽諸侯變王之說

世廟初徵入繼毛尚書澄奉旨往迎有議行五拜三叩頭禮以  
見者毛曰今遂行此後何以加之將來勸進辭讓禮將遂  
廢乎從之得倉卒處大事法楷駕至京遂正位楊廷和請

俟勸進不可毛所慮竟未一行

論定策迎立功封閣臣楊廷和等伯爵並疏辭庶吉士李默上書諷贊之甚力時若少濡忍者後來大禮成新都禍益難解矣英主恩豈易消受况群怨日耽：其側乎默議自正然竟以是外轉容人政自難

嘉靖初年都察院請差巡鹽御史批卷稍誤以未下閣票故給事黃臣以為言封還原疏即改批出如舊制時尚虛懷納諫屬新政勵精之始

史道勅楊廷和下獄遠謫彼自違公論耳乃一時大小臣僚無不

為楊疏辨涉附和之過遂使邪人伺隙冲主啓疑以有永嘉報復之禍考齊康劾徐階事同

大禮議起 世宗初云朕欲追尊美號立初安陸而已即何淵請立世室大廟尚謙遜曰豈敢干太廟乃其既也稱帝稱考稱皇稱宗遂至躋 武廟配明堂即張桂諸臣亦明知其不可莫能奪也禮則有妨情何極之有導其源思節其流難矣故君子務誣情伸禮

初張桂雖驟遇詞林鄙之業以詹事兼學士貴顯矣一應賓錄經筵日講主試教習諸典禮皆擯弗使與唐順之為張



所舉首固自遠朔望詣門投刺趨躍馬馳去致恨次骨空  
詞林署逐之別選六曹即充入事亦稍激云抑時尚微存氣  
義後茅靡矣

楊一清費宏皆以右大禮議台用老臣廢居久厭苦寂寞或  
不無倭輒趨時意惜王鏊先卒不然必首徵矣然安知  
非鏊福二公迄不為後進所容被醜訛去費再三起尤  
煩人昔云冠一免安可復著

議禮諸公多博學潔行盛氣雄辭張霍尤甚似從精靈  
神道中來驅虎碑未必誠格當緣氣類之合內惟黃宗

明稍和靜嘗疏救楊名至繫獄左官不悔值莊肅皇后崩殺  
禮亦力爭較無諸公憑陵諭訛之罷宜表出

議禮諸臣未幾即自相矛盾觀張永嘉疏於桂夢曰聖明所知  
不待臣言於方獻夫曰懦弱無立緩急不足倚於霍韜曰變  
詞擾事非政體於黃綰曰反覆詭隨諸臣不無藉之口顧何  
背戾也楊一清費宏最所依重亦終污蟻之薛侃愚忠為陰  
賣宜矣薛順以學行聞

世廟以張璉故成鼎能遷意終憐能遷以夏言故繫郭勛意  
終憐勛以陸粲王準故斥張璉桂夢意終憐璉夢恩威不

測難乎其為言者矣蘇明允所云以蘓秦張儀之術濟其龍  
逢比干之心計惟此時為然

張永嘉議大禮之功不足贖其議大獄之罪故出故入罔上陷下  
使及見隆慶初蔡伯貫獄詞寧無媿死方猷夫傳猶方引去  
就力諍其孰信之

蔣文定瑤大禮議引朱子答濮園問曰假如仁宗濮王並坐於此  
英宗過焉終不成而喚為父緣只道死後為鬼神胡亂稱呼  
不妨寔非道理此說最淺明張桂難答又引漢文帝詔賜天  
下民當為父後者爵一級謂子有當為父後及不當為父

後之分亦自精覈

凡阿附議禮多出於錄事巡簡教諭縣丞千百戶監生一種無耻雜流意欲何為即張靈自思恐亦無樂班是尤可笑者教授張時亨謂上宜劾古人刻木製皇考像朝夕侍立決事仍請聖母改衣帝服上執天子禮以朝反覆數千言怪誕極矣宇宙間何所不有

訓導蕭時芳言郭勛夏言霍韜皆中興元佐議論各殊宜召三人生賜杯酒釋其意坐逮斥為民可謂位卑言高匹夫懷當世之憂自詒伊戚者也視前教授疏同

鄒守益誌劉泉墓云方議大禮或驟遷或黜或戍或撻以死泉  
適還朝泊臨清終夕拊腹遠再行自相問答曰能黜以撻乎  
曰不能驟進乎曰不能終黜乎曰不能是三不能不歸將何  
侍遂歸妙在無一毫文飾

陸澄豐坊並以議大禮謫久之詔辭悔罪仍附和張桂唾餘希  
為進身地卒被聖明洞照摘帑叙則何益矣澄丈成高第以  
道學著坊學士熙子也以詞翰名枉貴機關自甘淪墮宜以  
叛師懷父之罪之之

毛文簡紀乞休疏云宣召徒勤而杆格如故慰留雖切而詰

責隨加臣亦何顏面焉朝宇之間班行之上語慙直有古大臣風旋奉嚴旨放歸時進退輔臣稍輕如毛紀石琚賈詠費宏一清皆不以禮去

謝丈正以篤老之年婆娑再出微損高致聞楊一清欲援之自疆為沮抑張璉地然如璉才氣豈謝所能抑者幸僅踰年歸下大為後生播盡然危甚矣梁文康節於改元前致仕去較私止足之風想浮議亦復紛起

費文憲晚受貢玉誣身在位而僕被執對簿于懋良被罪繫獄給事楊言以為申理隨得禍重情景難堪一去已為厚幸

怪優有赴召之舉何也豈有戀不能割者乎甫數月卒律以出處之議似難為解

御史陳察當陞大呼願以臣察不肖軀易楊言地下衆為辟易上連目攝之不動察此舉自奇漢東平生蒼語朱暉曰蜀者楊自視孰與陶相如察近之矣嘗以請燔非掌故雜書為劉鳳所譏顧亦服其剛峻

楊文襄初因結張永計誅逆瑾卒以謀永篡誌受金錢坐罪固張震輩傾之士君子有寧謬其身為忍辱救時計者遠度宏襟自當別論惟小人不可作緣視亦足戒也即

彼中有呂強張承業其賢終遠避之為是

前記景清周武入朝衣緋事聞張永嘉疏云顧佐為都御史有貪墨不法大臣許著緋衣當御前面糾就行拏問凡遇都御史衣緋日舉朝股栗得之矣然張疏惟都御史一人不知給事中舊亦得服此也

桂萼請科道互相糾劾從之至嘉靖十七年詔近來拘例塞責往往挾私報復甚非治體今後聽部院從公考察不許互糾時英主之興已闌末年諭農蠶二禮皆自朕作亦虛瀆耳罷之意同是總新特事俱暫時過歷



魏莊渠與桂安仁素善桂號多賴潤色張永嘉心害其能佯爲  
魏入講筵旋擠去此呂夷簡薦李東之法也觀魏答桂書戒  
以言過疎氣過猛必也法蹇之反身脩德泰之包荒憑河猶  
宛然執友風規名儒舉止

霍韜初擢禮部侍郎尚書俱辭免即父母誥命妻卹典亦堅辭  
曰不敢以議禮得官及其後當大任則洋然笑方獻夫以吏  
部尚書歸遣召不至得將別用之旨遂就道同被人窺破近  
於辭小就大之機

霍韜以南音辭免日講薦康海王九思李夢陽魏較顏木何

塘王廷陳自代霍於海內人材尚留心恨驚福耳偶犯之立  
碎嘗以資望遜侍郎徐縉比陸槩攻去張桂即指槩係縉門  
生有汲引嫌前後言不復相顧

陸槩為庶吉士連七試居首改授科員詞林故事未有也時張  
桂驤升御諸吉士不詣揖特破例擠之即此事媚嫉顯然後  
人每諛頌永嘉誠所未喻

袁永之策以解元高第入廷對永嘉得其卷奇之擬冠多士時  
永嘉方為學士損於廷論故抑置首二甲既折封知為袁衆  
有悔色永嘉以得袁自喜屢侈述其事袁不答亦不詣謝槩

懟遂作竟出諸庶常部僚仍危法中之嗚呼世有顯擢人高官而不為德者乎於唐應德素永之見之亦先朝士大夫學問素明不以私恩掩公義今亡矣夫致丙戌己丑二科庶常並從外授己丑永嘉主試寔所舉士也無留者悻戾可知

霍渭厓於鄉不稱治生於座主不稱門生亦不受各門生刺然觀霍與朱二守書云生于巡撫稱晚生巡按二司稱侍生同年稱年生於老先生稱門生似門生刺亦所不廢不審江何人得如許獐獍門生亦費事

黃紹能改葬謝文肅墓撫視王文成遺孤居然古誼不得禁

以傾狡訾之或誣得王金磚殆不足信惟館嘗於彼劾目自  
陳議禮有功背刺盡忠報國四字可袒衣視詔下都察院勘  
館此舉醜甚無分毫學問氣

胡世寧自為刑部郎即疏詆詞林以此出守粵西遠郡後顯貴  
竟伸其說與霍韜二人是詞林先生冤對生平建豎亦鉅  
晚微有牛鼎之意每先為將順親暱之言以自結於上徐引  
之正議義三軍幾同告密挾術仕數行已在通介之間疑一  
時風氣使然賢者不免

席書自言議禮忤諸臣胡廣問刑官以宦所勅長沙守朱卿

罪盡為開釋曲歸罪李鑑既法司訊鑑罪昭然宋卿無故  
入狀因劾書不宜藉議禮肆行要挾旨勿問不意書亦為此  
言蓋業淪於黨習不自知其不可矣

陳洸家居不法被劾坐論死以議禮特宥閒住原其妻子幸矣  
席書霍藺猶為訟言藺自其同鄉同調書何六爾：時南臺  
劾書救一陳洸而洸輕之稱一鄭維而維詆之尚輕書於洸  
之下且不歸德焉異甚

嘉靖初如林俊孫交喬宇彭澤等累朝名德咸不竟其用去  
於是張桂方霍諸要人為輒陵厲氣風生自翊我輩蓋天

欲變成行<sub>之</sub>治而為正嘉國報人心密隨更改即楊一清胡  
文寧席書之流故嘗涇濡醇懿頡頏英耆著聲焉者而亦另  
一番氣象矣洵去道升降所關

席書為其弟春乞留自食事改修撰誠屬違制格春外調寔以  
纂修叙勞故自來寄錄加恩宜進秩無從外調例費文憲此  
著原錯使彼得惜為詞

楊名下<sub>撤</sub>逼供主使或云廖道南素忌名同邑席書位已右授  
意名指之不從事未辨真否按道南在講筵屢膺典禮蒙  
眷如罷姚廣孝配享改正慶成章樂章及四郊分祀議多

所倡明中一謫徽州判旋召復雖張孚敬汪鏞莫能間也席  
文棄仕用在先無相輒理或其弟春事乎聞汪宏劾春疏果  
首指及足證誌文之誤

張孚敬三台三黜候去條來上固非待大臣禮而孚敬亦不優  
以大臣自待招麾任意矣尚者尚舉其榮輕行逮為美此如  
婦見逐於舅姑譽之曰幸不盜舅姑家物豈褒論哉惟進驟  
故退亦輕物不可以苟合諒夫

張桂自以陸粲言罷何與霍韜事而韜輒為痛心疾首力攻  
楊一清惡必召還文為快揆韜意祿位是自家物竟當三

人相終始已耶心粗膽大明肆潑不復擇首非後來坐却祀  
詔開械送都察都院獄數日折其氣幾若狂矣使輟作尚書  
部事必當盡壞聖鑒昭然

張永嘉力爭張延齡獄稱最德舉詞其奏詞以議禮犯舉朝怒  
怒昭聖之心亦未嘗一日忘臣今延齡事發大小臣無有言  
者實皆幸有此舉俾昭聖不得善終以深皇上之過重臣等  
之罪使無所解於天下後世云張雖借端納牘實是寤情  
張意亦自懼也詳味自知

方輿獻太后壽旦命婦畢賀未幾值昭聖壽遽傳免形迹著



明御史朱瀚馬明衡諫恐臣民以是疑兩宮不聽前霍韜疏  
有云照聖雖禮秩尊崇勢日輕聖母即尊稱未至勢日重  
噫韜等亦念及輕重勢否乎可為痛哭

嘉靖初換易鎮守內臣彭澤言內臣數易為民害愈甚養餓  
虎難於養飽虎詞特危悚蓋已為撤回鎮守之漸此張文忠  
李康惠功難泯而尚書梁材亦與有力

罷鎮守內臣桂文襄亦以為請猶不便昌言從密奏想疏：乎  
不密失身戒歟乃林希元疏業登及之林仕稍坎坷鮮知若  
中興聖政未必非前疏為美之採

方獻夫疏守令不得人黜進士額少用舉貢充入途輕人玩冒  
倍取進士五六百名外悉注三甲除為令方議頗難行  
朕如近日並用三途有微俸混淆弊不若加恩廣額俾人  
甲榜自命之為愈也稽宋制畧近

夏言劾方獻夫疏末有恭照吏部尚書方獻夫再照以傳張  
璉等語方怒謂非奉詔遽問何得其恭語且照及輔臣詳具  
夏辨疏其後吾邑詹仰庇御史諫 穆宗疏有云再照人主  
之奢儉四方係以安危為中貴所聳激指為狂悖坐杖黜  
歸追近章疏實所稀見

禮部尚書得兼翰林學士銜自桂方二丈褻始時以議禮受寵  
且陰示入閣意耳後遂為定制其官宗伯不帶學士者惟  
萬士和徐學謨二公或以從外入耶王用賓改南吏書御筆  
加兼學士銜尤屬異數

建昌府鄭源渙入覲携所梓夏良勝集分遺朝紳內有良勝代  
喬宇起草劾張璉桂萼疏璉萼怒坐非毀大禮戍良勝降  
源渙職併聞住前叅議張懷姑紆一時憤可耳璉萼能盡  
禁百世後無或反唇者乎拙甚矣

韋商臣請宥議禮得罪諸臣謂先朝所廢謫者今業經優

叙傳為美談安足諸臣不為異日所叙乎遜其美以遺後人  
毋寧先之而卻經邦又云禮與政不同張璠尋去尋留非政  
體跡似松議禮之臣則所議者不為公禮矣可守也亦可變  
也可成也亦可毀也二官傷太苦勁舉聖意所諱避不欲語  
人者盡數說出宜並不免

世廟諭張永嘉欲用宗室一人守脩南京張不敢奉詔寔上意  
集衆美自居聊言之耳一鄭王厚烷不錯貸况容所忌惡于  
肘腋間乎末年二龍不相見之說益瞭然矣似茲龍性即為  
其父母子夫婦難之何況君臣

南京振武營變旨云簾遠本因堂高無自遠之理稱聖斷矣忽  
續云若立新帝者必法外凌遲其以孝烈皇后忌祭銜徐階  
等初議曰后所配者入繼之君忌不祭可爾動以此等語箝  
制人真為惕息

方劉東山上急變証張廷齡定国京山諸公侯俱繫繫所司請  
移逮張等敬僅免昭聖太后至敝衣席藁為廷齡祈哀不  
可得情景何如非陳讓往獄中發情上疏痛言東山罪幾  
宥之矣讓赦出竟以他罪械死東山稱鐵漢坐後顯陵合葬  
議點實有用才

黃綰黃宗明並自叅政台復為侍郎謂非微議禮眷不可其次  
則撰文供玄諸臣最承恩遇即有過晏然若素燁以放蕩糾  
徐文貞子璠科場倩代事聞並釋不問使摘及他臣者得謹  
責幸矣明如永樂中新舊官例

張文嘉家居強市第宅自廣日後數千人富者輒編使督工民  
怨嗷、賴溫守郁山詞傳始息王元美傳云土木之功冠江  
南是矣而於別傳又曰公沒未幾居第侵風雨力不能勝何  
也政惟宅高廣故難勝耶

方霍家居橫恣非特如龔大綏所劾已也湛甘泉故稱恬靜間

亦不免生徒往：煩人為南宗伯日楊州儀真大鹽商皆從  
講學號行窩中門生到處請託或嘲之正到處體認天  
理如甘泉教云流弊可知

霍渭厓云桂見山。自諸生時夢他日當立功八桂之外。夙有平  
安南志。既當路。特起王陽明而廣。思與共功。不謂陽明歸念  
切。遽移病去。桂恨其員已沒。後以學術為疵。劾送奪爵。現  
此知文成熟表江右。毫不得江右力。不知彼中鉅公何苦求  
蓋世功。自固。夏桂洲亦然。豈風氣然。桂議留文成撫兩廣三  
年。聽離仕。見疏中。

李廣惠承勛自左都御史晉吏部尚書會刑部尚書缺。上慎選特改命之。尋優改兵部。不論官惟才所適。今寧有家軍轉司寇事乎。古今人信不相及。

虜犯大同兵部李承勛議設宣大總督推都御史王憲。不肯行。拒甚力。贅色俱厲。為言官糾劾。聞往去時承勛對衆言曰。今莫若改憲本兵某自去總督。此語猶有大臣擔當氣象。其後本兵張瓚畏避邊諫。說云。故事。遣都御史請專委吏部。推亦為吏部所持。老奸負國先後一轍。于忠肅自請視師。寡寡不再觀矣。



毛文簡登位宗伯。會南家鄉王革卒。請卹典易名。毛摘其科場陰事。堅不予。陽明先生大慙恨。貽書曰。主辱臣死。親猶君也。執事辱先君至此。守仁可以死矣。王視毛同鼎元尚書。且其子勲名方盛。生徒滿天下。何靳一謚。毛曰。我所知惟禮與法。他勿問。時林其峻。

席春佐銓。請仍復楊維聰陳沂詞林。賈寅典禮。請勿調周琬高簡銓。司持論原正。乃一扼於汪鉉。一扼于嚴嵩。各落職去。聞春大禮議頗不然。其兄書來於分宜鄉人。也能矯然自異。非無識者。或云宋故夏言姻。再起言為抗分宜地言。敗因累及。

說近是惟前二事實可稱

曹嘉為百官圖分別四等以獻坐誦給事安盤曰夫以一人品  
第衆人如唐王珪之評房玄齡等本朝鮮縉之評黃福等皆  
承旨為之未有無上事而雌黃在吻者也磐論最公即馮恩  
攻汪鉉可耳漫及盛庭加抑楊其間使彼得惜頌大臣德政  
律為辭自生荆棘

輔臣出行違惟嘉靖中楊一清翟璽起自家居皆改部院衙不  
繫內閣至萬曆末孫高陽承宗始稱閣部近查踵行之莫為  
異劉文靖咄：迂談矣

孫丈簡承恩生而直項見客自一揖外不能措辭獨為世廟所知初議禮默如也屢獻賦頌徽卷遇以此湛若水晚多白鵲白兔等頌頗亦貽譏大雅

林貞肅過吳誤印二泉值甫建坊訖曰公盛德亦為是耶邵荅公族望故不須此某門戶初起如制表里恐亦非過林意終不謂然按二說俱有致為印易為林難

何喬新得謚文肅雖發自林俊卒賴廣昌令張潔請力此今故非凡物嘉靖中續封劉基誠意伯侑享太廟亦本其鄉人刑部郎中李瑜跪二名臣定論竟決于外吏庶僚之口天下

事益惟患不為耳

張灤不惟請何喬新謚見重名流其為客部不附阿王璉議彭  
澤陳九疇坐是免死竟以諍大禮杖斃文行巖：在舒芬黃  
華件瑜之間奇男子也灤祖善昭官僉事嘗奏寬練子寧等  
戚屬禁庶云世濟其美

嘉靖初閩兵數譟以三月之餉為詞鄭善夫語林見素曰若此  
則三邊健兒當先變矣邊餉有懸至三載者閩軍士征戰日  
少得自營生若處置得宜雖通之十年未宜變也源禍始萬  
同知某云鄭風采鮮傳僅見是稽閩兵屢變布政查約至

被殺嘗一賴林廷玉綏靖力

王大用以知兵著名廣決有威閩前軍自黃鎬林廷玉後當推  
大用嘗客遊大同習其風土及以巡撫至謝表有云才雖非  
擬義不避難地即舊遊浪跡竊方於司馬天之申命棄繻敢  
後於終軍請者壯之

嘉靖八年同安縣儒士李如玉纂集周禮會計十五卷令其子  
詣閩奏進詔給冠帶有司禮獎同安郡屬邑詢先知者但  
記林希元上大學定本書奉旨毀書褫職而已林所著  
易學存疑亦盛傳世

歐陽鐸撫應天均蘓松田畝顧文康貼書曰公行法吾家增賦  
千石然為百貧家十石矣此近世士大夫所不肯出口者顧  
亦難及鐸先守福州多惠政

顧文康與臣講心箴世廟稱善為注釋因及視聽言動四箴  
敬以虛詞七章仍陳五事皆道家香水供獻鄙陋語云大  
約嘉靖諸臣始瑩精禮樂既殫力祠機原相通總為潔身自  
媚計給事高金以罷姚廣孝廟享請推類削卻元節真人號  
妙甚惜不能從

徐華亭初以事孔子祀典謫外亦為佞鐸桂議之曰徐階小人

永不叙久亦遂忘之其自江右督學改宮僚賴馮恩力馮時  
謫戍過南昌代都御史何某草疏達夏桂洲因被內擢躋台  
輔謂君相能造命非與

徐文貞督江西學方試士聞馮南江至輟試遣諸生出郭迎馮  
至宿之試院撫按皆就訪今此風可再見否耶李萊敏遂時  
家居朝文貞為四面觀音蓋恨辭馮因詢李所至文貞曰當  
不失大司馬先輩識量終異

今人處謫宦邑：不樂觀文貞延平詩云俗朴到處文牒少山  
深入饌蕨薇鮮精光風雨騰双劍。香火春秋禮四賢。自註。

予往歲謫延平縣其土俗有移家之約嘗於道南祠下累石  
為壇又為其鄉大夫鄭給事某黃叅政某游最懽觀此老襟  
度超然包涵百荒氣象。

李丈康時入閩以是張璪議故谿徑可知然處於張夏之間漢  
無忤色度亦有過人者崔子鍾頗識其奢謂所居卽價直萬  
金宴客出玉笋相酬金銀不貴計後來夏嚴諸公益汰侈矣  
偏於操切朝致此經屢驗

王丈成思思之役屬苟且員如許威名雷殷大雨點何小也或  
將以處池仲容法徐待之惜遽病乎傳所愛門客岑伯高陰



窺王意使人索盧植王受萬金幾激變姑俛就此然王集中  
稱伯高功不置不審何解

王大成行師始終得龍光力猶陳白頭之於戚以保然光貌故  
類丈成昂鼻多鬚其以數騎往受盧歆王受降露忒數十里  
呼聲震天光神色自如坐胡床引二酋跪宣德意酋驚疑王  
公自來竟定議歸真奇士也僅博一縣丞致仕無他賞更為  
吉水人誹議資悲夫

梁材以戶部尚書同吏部考察兼職鞠刑部大獄皆奉特旨  
行事竣仍還戶部世廟喜曰得尚書十二人如材者朕

復何憂然竟忤旨去材司國計十年謹持筭緡為郭勛所忌  
傳沒後頗見思比於曲江之悔

世廟於王守仁湛若水鄒守益講學諸臣並不見賞評王經曰  
過執則幹事不通鯁亦何塘趙永之流微旨隱然湛以年九  
十例得遣官存問粵撫按以為請報寢時敬一卓貫并歲  
方流傳怪徒存其名色耶

吳廷舉以不規正梁儲蔣冕過引為己咎二公業久去似可  
無翹許為名末年舉白居易張詠詩乞罷疏內用嗚呼  
二字豈敬君體近於率意直行少繙藉何良俊記其人

短黑輕動若山猴然殊不稱其志氣

馮恩廷訊日面叱汪鉉：憤甚至欲拳毆之手注情真閱王廷  
相疏臣去冬會同汪鉉審錄臣與鉉以本犯罪不應律情  
屬可務擬有詞反若為鉉解釋者然惟鉉憤欲殺恩：生  
機反寓蓋已為緝事卒偵知

韓邦奇以叅議論救高唐州同知臣山東屬官陞下差錦衣  
官較擊人自臣山東始賴直可想韓時辣性猶存後漸躋  
膺仕宦蛇於軍相之間頌贊惟謹矣不惟韓王廷相崔銑  
王維禎等咸有序鈴山堂詩

王廷相以都察院會吏部考察首黜吏部主事史際謂其  
奴事夏言方夜園間不點冒戒按史際漂陽人口可容拳既  
罷官居積致富墾田萬畝名救荒濟以饋貴當道多所  
輸助加太僕卿世金吾才當亦異是

何塘視學浙江至紹興望見渠：夏屋門左右曰其人治何  
賈起此宅曰官宅也塘驚異曰官則安能然左右竊笑噫塘  
亦知有甲第連雲稱潭：府乎王丈恪初歸以其子治第過  
過華不樂逃之洞庭華前素風顛爾

毛伯溫督征安南請備官屬疏云臣弟男侄併家人日備肘

朕供使令俱係軍門敎用人數應各支庫糧馬匹按此猶  
有古大臣持威重守便宜遺意

工部節慎庫初自嘉靖初從尚書劉麟請取用財宜節取民宜  
慎為義係賜額麟善詩晚好樓居不能具文待詔為繪神樓  
圖贈之出處蕭然有物外風致

林貞肅雖性剛峻而雅憐才既開釋李夢陽罪復力為文徵  
明延譽得待詔喜曰吾此出為徵仲了此一事庶不徒行意  
象藹然可慕文在館中寤於楊惟聰姚涑堅謝去二分亦殺  
風景將不慮三吳才俊笑人

河南軍餉舊充於大名府小灘或奏改他鎮訐譏議增役創署費不貲勿改便或請課有司積穀以多寡殿最譏曰既有預備倉積穀徒滋苛歛兵部請發銀三十萬於甘肅屯田譏曰兵弱虜強士不得耕徒損國儲凡所規畫務循舊無擾老成長慮棄教公家學猶在

宋法許綱運攬載貨物既免任稅脚錢又輕故泉布流通生獲富庶今以重載易淺阻禁運軍不許夾帶軍貧輟為盜京師物價因騰湧大非南北之利攷陸文裕深議及之迨驛禁嚴興卒無所得食流為寇弊正同此

官較論捕盜功陞賞所捕九虛一實及下法司以係奉欽依人犯例應立決往：明知其寃無從末減得訟繫幸矣現桂文襄疏知所從來遠倘着令法司審非情真者許奏釋仍不追罪官較庶愚民有更生望

韓范洛修邊論云宣大延袤數千里不惟不能修亦不必修華夷界限本在寧武山海關一帶宣大在險之外而鎮城又在極邊與虜共處錢糧兵馬額設最多乃將為屏蔽天下計也此古英雄深念若止保守宣大一中人能之矣范洛意急山西三關緩宣大微不可曉據云為屏蔽計顧

緩視之可乎。當更詢之識者。

聶貞襄豹議進士舉士授官日。籍貫下實注戶。幾石戶部始例  
優免。至三六年考滿。各報有無增收糧米鎮脚色中。不惟清  
詭寄。亦使士大夫知愛名節。按此法煩碎難行。況近已舉罷  
優免無可言者。

魏莊渠論郊祀禮。以社配郊則可。以地郊對南郊則不可。地不  
可對天。夏至亦不可對冬至。聖人扶陽抑陰。於一陽始生。曰  
復。見天心。不於一陰始生。曰姤。見地心。惟心無偶。上帝至尊。  
豈有對耶。辭理淵遠。魏意駁分祀。疑周禮大司樂一章出漢。



儒附會可耳。顧併疑孝經嚴父配天之文。則迂謬甚矣。不懼非聖者無法乎。

書洪範。鯀汭陳五行。帝乃震怒。魏恭簡引之曰。今因漕運而逆河濟。淮三瀆之性。垂百年矣。漢武歲漕關東六百萬斛。至昭帝立。盡罷漕。意示規諷。事實難行。漕運詎宜有罷理。何轉輸幾近于迂儒不知時變。

郭英從祀太廟。特為武定施恩。今俗傳鄱陽之戰。英射殺陳友諒者。係替說出其裔勳。誕詞唐曹疏駁之。義極精正。勳無足論者。若因其意推廣之。每各擇大臣二人。祔享大蒸。如唐

來例未為不可

南大吉擬築禹廟垣十里汪應軫貽書論禹功雖盡南詔治陵  
不為泰若推其心且茅茨土階盡力溝洫安愚以民山為周  
垣乎得寢汪大節可現守泗洲教民農桑請以耒婦代歌吹  
美人用拒南巡宣索事尤奇

汪應軫疏云弭盜視馭夷異馭夷法逐出境外已耳用之弭盜  
是以隣國為望也自地方視若有彼疆此界之分自朝廷則  
皆赤子可憐之地極明透確中情形

先是劉六劉七寇作京軍屢敗卒台各邊兵撲滅之生是

邊兵恃功跋扈有輕內地之心馴至大同遼東再變戢撫臣  
縛主將目無三尺矣繇內輕外之重致然稽成化以前每捷  
聞多賴京軍力豈尚行團營訓練法耶

夏良勝議騎兵須邊徽素習不然適為敗奔地虜或得之壯  
為騎瘠為糧况一馬費足養三卒今後檢邊軍外勿給與  
馬匹非惟奪其逃生之具亦且堅其必死之心夏語却亦中  
窾總騎戰中國所短法當避短擊長

張文錦以築大同五堡生變死亂卒年後毛伯溫史道續成訖  
無詳者前因恭將賈鑑苛急所致後為總兵梁震威望所

攝安危在所任諒夫文錦與劉源清初各以禦宸濠著績各  
階亂信勲名終始之難

大同再變唐榮以督餉即在圍城中儲胥莫犯復能計擒亂首  
開延諸將更入材畧有足多者卒開府其地榮先為吾閩尤  
溪人既入為侍郎以病聞忤旨罷歸未幾有庚戌警尚書  
坐死榮緣先罷歸獲免若或相之

李襄敏遂知兵負才畧傳南京振武營變賴遂指麾迄歸戡  
定余讀庚申紀事云遂開府淮右時貪聲頗著嘗獻二白兔  
得上歡又相嵩陰主之初遂專督振武營變作宜首獲罪

反蒙慰籍溫旨及擢長留樞密散庫金數十萬啗亂卒毫無  
所為戡定也二說未審孰是

張淨峰岳林次崖希元同年相善性論安南事不合張疏云縉  
紳喜談兵類趙括房琯之流空大言爾意明指林：疏云多  
有吏事號精絕臨敵束手無策者亦似陰有所詆然林語稍  
過寔非張公本色

以林希元之才倘獲登用楊一清天和翁萬達譚綸未足多也  
遼更兵變奮發請討自屬正論即征安南疏亦確有成謀真  
見非浪言之者莫登庸削爵繫頸降林功自不可沒吾閩

人徒歎張襄惠欽州非用武之地尊相無封侯之骨二語執  
為定案恐襄惠意非爾

林次崖自云 肅皇得予安南疏歎曰我謂海內無豪傑矣尚  
有此乎後問大臣林某何久在欽州又語陶真人朕有二大  
事未幹一擒王三一平安南都未曾祭告天地祖宗頃詔天  
下予意林屏居久諸貴遊用好語慰之傳聞非確擒王三特  
一勇士力耳却煩祭告晚進改定大學作為民事猶可已烈  
士壯心還在耶

救荒善政莫詳於林次崖疏真仁人之言也中自述知泗洲日

賑濟全活無算即此陰陽亦宜食報於天奈身後零替何云  
宋董熠有救荒活民一書元張光大我朝朱熊先後續補板  
見藏南雍欲重加編進不果

用兵宜先定廟算斷在不<sub>能</sub>聞外人可始終擔任如嘉靖大同  
之師安南之討皆倏張倏弛不耐堅持至河套收復疑信變  
於斯須愈莫測矣林次屋忽旨從閒住誠屬無妄繇曾石塘  
慘禍觀之林亦未必非福

安南黎順莫逆誅莫纂弑罪空為商夷勞師無益也若畧其  
纂弑僅以包茅不入罪絕之則莫方求貢不可得莫以代黎

誇鎮國入又何煩兵戈為哉霍渭崖張淨峰並主是說按黎  
種已微且先亦屢叛逆不名為順惟前說實洞破夷情得其  
要領後莫登庸降以是

安南本隸我版圖先輩如錢溥劉戡梁儲魯鐸湛若水俱有奉  
使之行湛有賦魯有聯句詩叙各詳悉而戡尤以意介聞嘉  
靖中孫承恩黃綰張治先後遣使其國未及境台婦屬有他  
故自是始絕跡矣視他屬國迥殊

世廟繼后張氏立數年廢莫詳何故或云張延齡罪且誅后以  
昭聖意爽間為請上怒即褫冠服宮闈秘鮮能明也情景近



是即孝潔后初佳謚悼靈義類非是

章聖太后梓宮南祔黃御史正色巡上江職當護送疏劾侯崔  
元瑞鮑忠禮書溫仁和沿途贖貨狀上怒將窮治諸貴害反  
誣正色於梓宮前乘馬揮扇遂遺杖戍料虎頭編虎鬚故  
是難事按霍勣疏亦微知正色所云

御史黃正色劾兵部尚書張璫內有任蒲泉殊無善狀之語璫  
自辨臣實未任蒲泉正色坐奏事不實奪俸璫在兵部最  
貪鄙阿附分宜臺疏不宜捨大錄細

王延素官中府經歷有中使夜呼索阜城門鑰將出為章聖

各醫叱曰禁鑰安敢擅啓然事關太后奈何延飭踰更卒嚴  
脩躬導出入旦䟽聞請移醫城內聽不時召用時論嘉之延  
素丈恪公鑿仲子

世廟選九嬪詔不許強抑民間儀卽陸銓謂若此倘民藉口無  
應皆奈何請先述德意附以禮部禁諭毋容規避上嘉之司  
官以通達國體爲能陸識近是

李開先推考功卽時文選卽黃禎亦其同鄉世廟以明歲考  
察事重文選考功何俱用山東人全再推因用任瀚防微意  
其見近或一省擬數要津謂全甲何

劉天和舉進士偶逆瑾目屬異之授以宗人刺不報其入督團  
營也距京三舍許陶仲文以戚屬禮遣刺迎劉曰與若主胡  
戒也誤矣亟還之王崇古初為刑部郎伍夏桂洲為分宜所  
中論死獄具獨不著名徐華亭每稱之前事為二公勲業所  
自出莫輕易者過

吏部員外莊一俊當頒給文官誥軸失設香案將具疏認罪白  
尚書汪鏞怒笞之二十俊媿憤自劾乞休下詔獄會赦改  
南京用俊吾邑人能文孫履豐履朋並舉進士鏞暴戾廼爾  
寇深劉宗何殊亦見司官舊有笞法

陳光之惡乎言其縉身負重辟緣議禮數起大獄士大夫罹禍  
無算刑部郎葉應驄尤被其毒坐逮戍葉素數直諫南巡火  
禮至再廷杖鄧人以此豐熙王相二公

林應標官客部會夷人進玉郎中陳九川驗入旋失之事覺下  
詔獄陳急謾指應標日直署應標佯不坐誣服杖繫久之  
進玉夷再至示以二人夷嬰視應標數搖首見九川撫掌頷  
之於是舉朝稱應標長者而不直九川也或問前何誣服嘆  
曰幸得為同舍郎情親遇小利害輒抗辯是市交也且奈夷  
人媼笑何聞者難之

葉經監山東試以試錄譏訕遽杖死其錄有繼體之君德非至  
盛作聰明以亂舊章好自用而不能任人等語真令人吐舌  
余曩嘗戒心於此談猶色变

伊庶人廢固發端梁甲寔賴御史顏鯨力既國除沒入財產或  
進上或留抵宗祿及補衛伍散官人等事極費調劑鯨入忤  
新鄭江陵屬王篆為銓郎請列其父鄉賢不許為所中考察  
生黜時屢代訟寃

胡東臯撫劬陽有弁將以賄進呼諭之曰貪必受汝賄矣刻必  
視汝職矣非其人則害已汝何為焉杖數十遣之唐大宰龍

最服此意宜如此處分不露形迹

王遵養慎中初以才名擬選充史館九人點用其九王居首  
獨遺僅改吏部為張羅峰當國時事其以驗封郎謫外李遂  
錢送之郊為夏桂州所恨遂左遷王復繇大計中旨報罷亦  
夏意不知二公何善造孽夏誅死張後亦衰抑其不祥之實  
之報與

張襄惠以議皇初祖神位事為永嘉所異欲羅致之不從此有  
何仇而謀以他事奪其提學更屬御史往摧困之乎謂永嘉  
不媚嫉吾不信也 世廟咎其不惜人才良然遂使大禮大

獄諸臣畢世窮荒為聖政累非小

薛方山為南考功黜王龍溪王以講學名一時頗多請託後遇  
薛拜而謝之薛視浙學政嚴有舉鄉賢某以學追湛王為詞  
批曰王為陽明先生固也湛何人吾所不識輕薄意隱見言  
外顧亦佯引陳瑩中責沈為辭

羅整菴幼從父宦學官父偶公出首代書桃符云不規三於事  
為之未惟勉于仁義之天父歸見大驚大儒氣格業具醫  
亂中即此是全部困知錄

劉邦采請新建學子赴江西鄉試以脫中露体非禮不願入於

是御史諸良材令十三郡諸生並聽常服免搜索劉學是科  
按此猶古勸駕續食遺意儲亦難得

歐陽瑜以受學王文成雅見器異將別請益王曰常見自己不  
是此吾六字符也言簡而該瑜終身誦之比于劉器之受  
司馬溫公不妄語三字

朱子晚年定論書出余祐特緩證折之謂此入門工夫非晚定  
祐娶胡敬齋女夙尚程朱宜有異同余謂姚江學深造未易  
驟窺惟知董羅老人徐昌穀少俊並工詩賦自喜必澆以見  
聞抑全拱拜且津：道之未免有廣生徒降伏異己之意時



昔勝心還在

王心齋昆超於魚鹽之中不繇文字信振古人豪趙文肅誌自  
佳中贅錄二夢可哂一夢天墜壓其身日星失序托之超為  
發布如常萬衆歡謝一京師老人夢黃龍無首行雨至崇文  
門變為人立晨起候之適先生至云全額荒唐夢中景便  
何足擬攷吳聘君亦時說夢

舒梓漢稱周濂溪為吾道中興聖人太極圖與伏羲同功責  
程正叔背師周禮出漢儒附會朱子亦為所惑又鍾律度  
量所以治曆時節度節僅得大意必現周官之大司樂章

則律曆始矣有發前賢未發之妙

王文定道自云於古人有四恨焉孔子曾見老子而孟子不得見莊子一恨荀卿不及見孟子二恨楊子雲不與鄭子真嚴君平偕隱三恨二程親見康節而不傳其天先學又四恨又古今有此四大大事從未嘗說破若為當然焉皆又一恨也說亦灑然可喜

王慎中撰陳琛傳引及陳同榜史于光林希元張岳其推重張特至張顧不悅王有書慰釋之張論學高本曲禮小學如手容恭足容重之類不惟張凡數十年前吾郡諸名公聚蓮

是惟紫峯遵嚴二公乃別有斛粘精餉氣象張自以學術致  
疑不問文即文亦儘造極致

貴州副使沈齋傳云齋初為閩副使會閩紳給事史于光與海  
商王勝等欲通番販易賂巡按許之齋持不可弗巡按意坐  
調貴州余聞之駭甚使筭江先生吾郡推康吏第一家無攜  
石遺寧有是事齋華亭人傳不知誰作豈全不識良心公論  
何物耶異哉

顧奇美舊守吾泉其墓誌云泉有丘侍郎者繼家奴搏人於監  
司之門公按法雖以江鼎公時按閩為言不能奪也侍郎

當為五中丞養浩有揮霍聲

梁端肅材履給事曾仲魁興革五事疏謂深得體國惜財意曾  
吾邑人稱漸溪先生仕終池州守霍文敏薦海內人材嘗及  
之前疏稽王道思誌文閣載

吾郡黃太常河清居選部著名時為語曰文選何新：前有黃  
天台後有黃清源天台指黃文毅孔昭請方豪述友篇云嗜  
學如炙說士如姝氣充：心休：動必稱古人則先生者是  
黃子河清之行也槩範可思

陳良謨叅政少善易值秋試寒守奇其才謂歸安令武君當

入闈且治易也。以束帛俾納贄。固謝不往。已闈中。果為武令。  
賞識。守愈。媿服。按武令名。今尚文。登正德戊辰榜。先曾祖妣。  
其女也。後復姓陳。知吾郡易學風名天下。

王丈成征思田道經懋縣。適南安司李周積署事。供廩夫馬。  
製方員牌數千。方牌給馬員。牌給夫三軍。肅然丈成喜。班下。  
而廣為式。後班師過南安。疾篤。卒。賴積綱紀。以無憾於其終。  
積夙受吾邑蔡丈莊易。

莊用兵試明州。士拔袁煒第一。時煒未有名。直以魁天下期之。  
煒感知已。讀越境指謂。怒加撲示戒。嚴厲至此。其居官以。

張直廢曉為德於鄉甚力尸祝里中

璫出鎮郢議徵辰州香稻米入貢辰守程廷策爭之曰攷食禁是米故作膨脹藉令糝玉食進之即問及罪無死所璫懼止程語未必有據詭以集事亦不傷於正也此輩難與莊語只得以免禍悚之

李元陽令江陰值巡撫顧公徵逋負嚴民死無數李曰逋多不可猝辦且以完報得免刑民感甚爭輸納李能文不謂吏事亦精緩急真須濟變才

徐九思令句容有喜政得遇某中丞被劾太宰熊浹唏然曰

吾聞句容令賢不減古人乃不以舉以劾耶為謫論中丞特  
留令中丞力至不勝令爾時公論明吏治為蒸：競勸宜矣  
繼徐者丁清惠賓亦為句人所思

王德僉粵憲謁臺使捧手而已御史檄餘俸餉德且移獎德  
曰都御史法無獎二司者亦無受餉例下其金籍之為所野  
罷歸以與於永嘉之難永嘉諸王自恭議澈祭酒激以張  
丈忠婦子貴後多顯者

粵沿海惡少偶持鵠鳥之東夷獲二十金訛言夷嗜鵠利厚  
於是遠近若狂廢本業赴之有以貲業成券易一鵠揮讓與

之不少者副使施儒斥言此烏妖也捕治之始定余曩家  
居見郡人忽訛尚白兔僊亦騰踊

吳會宰弋陽六載嘗從其僕詢弋風俗因問婦女何髻僕曰  
主豈不見吳曰吾殊不覺耳安有為民父母窺其子女者乎  
見湛甘泉誌語醇樸幾類漢人

蕭卓晚春跣足蓬頭妄言禍福海內士大夫多為傾動其邑鄭  
一鵬給諫獨著論闢之比之張角餘孽一鵬嘉靖初再經廷  
杖負蹇謬敬顧晚春亦間有奇中者蕭邑未陷先數年語人  
曰江橋折蕭事成矣已果驗



薛蕙始生三月輒見芒神連呼之家人驚以水沃之方止昔薛  
丈清生亦異体如水晶見五臟總稟清氣致然若穆孔暉晚  
尚禪學沒用西竺法棺斂則怪甚矣儒者何作許結果程子  
不云若聞道須用尺布裹頭乎

嘉靖甲申五星聚於營室占主營建宮室時彗出東井：居  
東方其宿木將來土木煩興其應也又占主天下兵謀亦為  
倭虜交警之徵驗不爽

以上一百四十八條